



Broj: 02-04-13-1/25
Sarajevo, 14.01.2025. godine

16 -01- 2025

SKUŠTINA KANTONA SARAJEVO

Služba za skupštinske poslove Skupštine Kantona Sarajevo
Reisa Džemaludina Čauševića br. 1
71000 Sarajevo

VLADA KANTONA SARAJEVO

Stručna služba Vlade
Reisa Džemaludina Čauševića br. 1
71000 Sarajevo

**MINISTARSTVO KOMUNALNE PRIVREDE, INFRASTRUKTURE, PROSTORNOG
UREĐENJA, GRAĐENJA I ZAŠTITE OKOLIŠA KANTONA SARAJEVO**

Reisa Džemaludina Čauševića br. 1
71000 Sarajevo

Predmet: Odgovor na zastupničko pitanje, dostavlja se

Zastupničko pitanje zastupnika Faruka Selmanovića pokrenuto na 19. Radnoj sjednici Skupštine Kantona Sarajevo, od 30.12.2024. godine, Direkciji za robne rezerve Kantona Sarajevo (u daljem tekstu: Direkcija) dostavljeno aktom Skupštine Kantona Sarajevo broj: 01-04-55454-1/24 od 30.12.2024. godine glasi:

“1. Kako je moguće da 09.12.2024. godine aktiviranje robnih rezervi se prema riječima Direkcije smatra zaobilaženje Zakona o Javnim nabavkama, što predstavlja svojevrsno krivično djelo, već 26.12.2024. (17 dana kasnije) aktiviranje robnih rezervi nije zaobilaženje Zakona o javnim nabavkama?

2. Da li je Direkcija za robne rezerve Kantona Sarajevo u periodu od 08.11.2024. godine do 26.12.2024. godine postupala odgovorno ili je Direkciji bilo „naređeno“ da se ogлуši na apele i zahtjeve opozicije?”

Na navedeno zastupničko pitanje, iz djelokruga poslova Direkcije dajemo sljedeći odgovor:

Ovim putem Vas obavještavamo da su Direkcija za robne rezerve Kantona Sarajevo, preduzeće BAGS Energotehnika d.d. i Ministarstvo komunalne privrede, infrastrukture, prostornog uređenja, građenja i zaštite okoliša potpisali tripartitetni ugovor kojim se preduzeće BAGS Energotehnika d.d. obavezalo u najkraćem roku provesti postupak javne nabavke kojim će se nabaviti utrošeni mazut, te isti vratiti u istoj količini Direkciji.

U ovom slučaju, kao što se vidi iz navedenog, Direkcija neće provoditi postupak nabavke, već će samo zaprimiti nazad pozajmljenu količinu date robe.

Ovim putem još jednom naglašavamo da je rukovodstvo preduzeća BAGS Energotehnika d.d. svojim potpisom preuzelo obavezu provođenja postupka javne nabavke kojim će se omogućiti dalje nesmetano poslovanje preduzeća i povrat date pozajmice.

Također, obavještavamo Vas da je Direkcija sve vrijeme bila na raspolaganju svim građanima Kantona, te da je i ovakvo rješenje kompromisno, s obzirom da se ostali građani Kantona ostavljaju bez određenih količina mazuta u slučaju vanrednih okolnosti, te da količina uskladištenog mazuta za slučaj vanrednih okolnosti, a koja uopće nije zanemariva, zavisi od obaveze koju je na sebe preuzelo preduzeće BAGS Energothenika d.d..

No, imajući u vidu činjenicu da građani Kantona koji žive u Vogošći ne smiju biti taoci ničijih neodgovornih postupaka svi nedostaci ovakvog rješenja su ostavljeni po strani.

S poštovanjem,

Pripremio: Eldin Šarić pomoćnik direktorice

Dostaviti:

1. Naslovu 3x,
2. A/a.

